



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Ilir Halili	07.11.2025	18.11.2025	2025/1077

BAZA LIGJORE E SHQYRTIMIT

Me datën: 02.11.2025, OE “ FutureBITS ” SH.P.K.”- Prishtinë, ka parashtruar ankesë me nr: 2025/1077, kundër anulimit të aktivitetit të prokurimit, lidhur me aktivitetin e prokurimit: “Furnizim me pajisje per IT” me nr. të prokurimit: "IL-25-5671-1-2-1", iniciuar nga Autoriteti Kontraktues (AK) – Ndermarrja Hidroekonomike Iber Lepenc SH.A. Autoriteti kontraktues ka zbatuar procedure te hapur, negocuar, lloji i kontrates: furnizim, vlera e parashikuar e kontrates: 54,200€.

Lidhur me këtë lëndë është nxjerr një vendim i mëparshëm i OSHP - së, më Nr. 2025/0773 .Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

Të nderuar anëtarë të Organit Shqyrtues të Prokurimit,

Ne, si palë e pakënaqur me vendimin refuzues të Autoritetit të datës 23.10.2025, paraqesim këtë ankesë të dytë në lidhje me

aktivitetin e njëjtë të prokurimit IL-25-5671-1-2-1 “Furnizim me pajisje për IT”.

Pretendimi 1:

Për sqarim dhe thjeshtësim, theksojmë se autoriteti me veprimet e tyre të fundit, nuk ka zbatuar në mënyrë të drejtë dhe të

plotë vendimin PSH: 2025/0773, duke devijuar nga qëllimi i rivlerësimit që rrjedh nga vendimi i OSHP-së, ku Objekt i ankesës sonë

në OSHP-së ka qenë lejimi i dorëzimit të dy broshurave në mungesë, derisa për këtë kemi vendimin e OSHP-së PSH 2025/0773.

Përshkrim i shkurtër i gjithë procesit për këtë aktivitet:

Në vendimin e parë, Autoriteti na kishte eliminuar për mungesë të dy broshurave për pozicionet nr. 5 dhe 10, që i përkisnin dy

printerëve Ricoh (njëri bardh e zi, tjetri kolor). Këto broshura, për shkaqe teknike, nuk ishin ngarkuar në ofertën tonë fillestare,

megjithatë ne kishim dorëzuar broshurat për produktet tjera dhe dokumentet përkatëse që lidhen drejtpërdrejt me pozicionet 5

dhe 10, dhe që egzistenca e tyre në ofertën tonë fillestare ju hap rrugë ridërgimit të broshurave në mungesë, pa ndryshuar

brendin apo ofertën.

Dokumentet ne ofertën tonë fillestare:

- Autorizimin nga Distributori zyrtar Ricoh për Printerët.
- Garancionet nga Distributori zyrtar Ricoh për Printerët.
- Garancionet tona për Printerët.
- Deklaratën për përputhshmëri me specifikimet teknike ku përfshihen të gjitha produktet.
- Aneksin 1 të vulosur dhe nënshkruar ku përfshihen të gjitha produktet.

Nëse ne kemi dorëzuar Autorizimet dhe Garancionet nga distributori zyrtar Ricoh për printerët në emër të projektit të cilat janë

dokumente që garantojnë origjinalitetin dhe përputhshmërinë e produkteve, atëherë është e pakuptueshme si i njëjti autoritet

që ka pranuar këto dokumente zyrtare refuzon të pranojë 2 broshurat e prodhuesit të njejtë.

Shiquar dosjen e tenderit dhe kërkesat në FDT, autoriteti kontraktues ka kërkuar që të dorëzohet Deklarata për Specifikacion

Teknik për përbushjen e specifikimeve teknike Aneks 1 dhe broshurat dhe nuk ka kërkuar ofertë teknike, derisa ne kemi

dorëzuar Deklaratën për Specifikacion Teknik Aneks 1. Një qasje e tillë tregon mungesë koherence profesionale dhe trajtim

joobjektiv të çështjes.

Pas vendimit PSH: 2025/0773, me të cilin OSHP kishte urdhëruar rivlerësimin e ofertave, Autoriteti anuloi vendimin e parë dhe

më datë 16.10.2025 na dërgoi dokumentin "Kërkesë për dokumente shtesë.pdf" përmes platformës e-Prokurimi.

Megjithatë, përmbajtja e këtij dokumenti devijon thelbin e procesit dhe vendimit të OSHP-së, pasi edhe pse mbanë titullin

"kërkesë për dokumente shtesë.pdf", përbrenda kërkon "dëshmi apo evidentim për pikat 5 dhe 10 të dosjes së tenderit në

katalogun e ofertuar", sikur vendimi i OSHP-së të mos ekzistonte, pra kërkojnë prapë sikurse në fillim të tregojme se ku gjenden

broshurat në ofertën fillestare, tendence e kjo dhe e dobet, në vend që të kërkonte dorëzimin e dy broshurave në mungesë që

ishite objekt i qartë i ankesës sonë ne OSHP, Autoriteti prap kërkoj dëshmi për ekzistencën e tyre në ofertën fillestare, ndonëse

dihej se ato nuk ishin pjesë e saj.

Mirëpo ne si palë me interes, në datën 17.10.2025 dorëzuam broshurat për dy printerët Ricoh (pozicionet 5 dhe 10) në

përputhje të plotë me kërkesat teknike të dosjes së tenderit (të cilat mund të shkarkohen në E-Prokurim nga ekspertët apo

paneli). Megjithatë, më 20.10.2025, Autoriteti vendosi sërish anulimin e aktivitetit me arsyetimin se "OE nuk i ka përmbushur

kërkesat e DT-së". Ne pas pranimit të këtij vendimi dergojmë kërkesën për rishqyrtim më 23.10.2025, ku ne të njëjtën ditë më

23.10.2025 Autoriteti përsëriti të njëjtin qëndrim refuzues, duke deklaruar se "në këtë fazë nuk mund të pranohet katalog

shtesë". Ky veprim përbën moszbatim real të vendimit PSH: 2025/0773, pasi në vend të rivlerësimit real autoriteti përsëriti të

njëjtin refuzim si në vendimin fillestar.

Kjo tregon mungesë respektimi ndaj një vendimi të prerë të OSHP-së, duke shkaktuar vonesa të panevojshme, humbje kohe dhe

dëmtim të integritetit të procesit të prokurimit publik. Të humbet gjithë koha dhe munda për 2 broshura, duke pasur në

dispozicion të ofertës fillestare dokumentet kryesore si Autorizimet dhe Garancionet nga distributori zyrtar Ricoh dhe Deklaratat

per specifikacion teknik është e paarsyeshme nga ana e autoritetit.

Kerkojmë me mirëkuptim nga OSHP që:

Të konstatojë se Autoriteti nuk ka zbatuar drejt vendimin PSH: 2025/0773, duke devijuar nga përmbajtja.

Raporti i ekspertit shqyrtues, lidhur me ankesën e parashtruar nga OE **"FutureBITS " SH.P.K.**, lidhur me aktivitetin e prokurimit **"Furnizim me pajisje për IT"** me numër të prokurimit: **"IL-25-5671-1-2-1**, të iniciuar nga Autoriteti Kontraktues (AK) – **Ndërmarrja Hidroekonomike Ibër Lepenc SH.A.**

Të anulojë vendimin e Autoritetit të datës 23.10.2025

Të urdhërojë kthimin e aktivitetit në rivlerësim dhe pranimin e broshurave të dorëzuara nga ne më 17.10.2025

KRITERET PËR VLERËSIM

Dosja e Tenderit - FTD

RAPORTI I KOMISIONI VLERËSUES

(VENDIMI MBI RISHQYRTIM)

Përgjigje nga NH „Ibër Lepenc“ Sh.a.

Siç edhe paraqitur në Raportin e Ri-vlerësimit, të përfunduar me date 20.10.2025, Komisioni ka konstatuar dhe vërtetohet edhe në platformën e-prokurim, si më poshtë:

Komisioni i Ri-vlerësimit konstaton se pas vlerësimit, ekzaminimit dhe krahasimit të ofertes me dhe me Vendimin e OSHP 2025/0773, ka gjetur si më poshtë:

GOE “FutureBITS” SH.P.K.; “SolvIT” SH.P.K.: Vendimi fillestar i komisionit të vlerësimit, me date 31.07.2025 është bazuar në Udhezuesin Administrativ 002/2024, citojme: "Është dorëzuar katalogu por mungon specifikacioni teknik për mallrat e ofruara - Refuzo tenderin pa kërkuar informacion të mëtejshëm", pasi që në katalogun e ofertuar kanë munguar pikat 5 dhe 10 nga specifikacioni teknik në DT. Ndërsa, pas ankimimit të OE në OSHP dhe dergeses së katalogut shtesë, ku OSHP e ka kthyer aktivitetin në Ri-vlerësim, duke u thirrur në Nenin 72, respektivisht 69, të LPP, komisioni ka kërkuar "Dëshmi apo evidentim për pikat 5 dhe 10 të dosjes së tenderi katalogun e ofertuar. Kjo kërkohej si dëshmi për të siguruar qartësinë dhe përputhshmërinë së dokumentacionit teknik me kërkesat e përcaktuara në DT, në përputhje me vendimin e OSHP-së. Këto dëshmi duhet të i ngarkoni në eProkurim në afat prej dy (2) ditësh, ose në të kundërtën tenderi i juaj do të refuzohet.", mirepo OE ka dërguar katalog shtesë e jo dëshmi apo evidentim katalogun e ofertuar. Andaj, Komisioni i Vlerësimit konstaton se ka kërkuar dëshmi apo evidentim në katalogun fillestar të ofertuar dhe se në këtë fazë nuk mund të kërkohej katalog shtesë pasi që katalogut të ofertuar i mungojnë 2 modele specifike të printerave të kërkuar.

Kërkesa e AK për “dokumente shtesë” është bërë sin e vijim:

Të nderuar,

Bazuar në Vendimin e panelit të OSHP-së me numër OSHP: 2025/0773 të datës 03.10.2025 tenderi “Furnizim me pajisje për IT” me numër të prokurimit IL-25-5671-1-2-1 është kthyer në ri-vlerësim.

Për ta ri-vlerësuar drejt tenderin, ju lutem që të na ofroni si informata shtesë dokumentat si në vijim:

Gjatë procesit të rivlerësimit, është evidentuar nevoja për:

Dëshmi apo evidentim për pikat 5 dhe 10 të dosjes së tenderit në katalogun e ofertuar.

Kjo kërkohej si dëshmi për të siguruar qartësinë dhe përputhshmërinë së dokumentacionit teknik me kërkesat e përcaktuara në DT, në përputhje me vendimin e OSHP-së.

Këto dëshmi duhet të i ngarkoni në eProkurim në afat prej dy (2) ditësh, ose në të kundërtën tenderi i juaj do të refuzohet.

Ju, si pale e interesit nuk keni ofruar dëshmi e as evidentim të pikave 5 dhe 10 siç kemi kërkuar në katalogun e ofertuar, por keni dërguar katalog të ri/tjetër, e që në këtë fazë konsiderojmë se është e papranueshme.

Andaj, duke u bazuar në këto që u thanë më lartë, AK NH „Ibër Lepenc“ Sh.a. e refuzon Kërkesën për Rishqyrtim nga “FutureBITS”, duke u thirrur në atë se katalogu I ofertuar nuk i plotëson kërkesat nën pikat 5 dhe 10, nga DT.

Kundër këtij vendimi, pala e pakënaqur mund të bëjë ankesë në OSHP.

Vendimi publikohet:

Në platformën elektronike të prokurimit në adresën: <https://e-prokurimi.rks-gov.net>

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

VLERËSIMI SIPAS NENIT 4.1.26 TË LPP

VENDIMET E MËPARSHME TË OSHP LIDHUR ME RASTET E NGJASHME

ARSYETIMI PËR DEVIJIM NGA PRAKTIKA E MËPARSHME

PËRGJIGJE NË PRETENDIMET ANKIMORE TË OE ANKUES - **"FutureBITS " SH.P.K.**

Pretendimi nr.1

Pretendimet i parë ankimore sipas ankesës 1077/25 ka të bëjë me arsyen e AK-së për eliminim të OE ankues, ku sipas AK-së OE edhe përmes rivlerësimit dhe kërkesës për sqarime nuk ka ofruar dëshmitë e kërkuara;

“Kërkesa e AK për "dokumente shitesë” është bërë sin ë vijim:

“Të nderuar, Bazuar në Vendimin e panelit të OSHP-së me numër OSHP: 2025/0773 të datës 03.10.2025 tenderi " Furnizim me pajisje për IT" me numër të prokurimit IL-25-5671-1-2-1 është kthyer në ri-vlerësim.

Për ta ri-vlerësuar drejt tenderin, ju lutem që të na ofroni si informata shitesë dokumentat si në vijim: Gjatë procesit të rivlerësimit, është evidentuar nevoja për:

Dëshmi apo evidentim për pikat 5 dhe 10 të dosjes se tenderit ne katalogun e ofertuar. Kjo kerkohet si dëshmi per te siguruar qartësinë dhe përputhshmërinë së dokumentacionit teknik me kërkesat e përcaktuar në DT, në përputhje me vendimin e OSHP-së..

Këto dëshmi duhet të i ngarkoni në eProkurim në afat prej dy (2) ditësh, ose në të kundërtën tenderi ijuaj do të refuzohet. Ju, si pale e interesit nuk keni ofruar dëshmi e as evidentim të pikave 5 dhe 10 siç kemi kërkuar në katalogun e ofertuar, por keni dërguar katalog të ri/tjetër, e që në këtë faze konsiderojmë se është e papranueshme.”.

Eksperti shqyrtues pas analizimit të shkresave të lëndës, kemi gjetur se vendimi i OSHP-së 773/25 e ka kthyer lëndën në rivlerësim në kuptim të nenit 72 të LPP-së.

Mëndmi i ekspertit shqyrtues është se pretendimi i AK-së se OE ka dërguar katalog të ri/tjetër dhe kjo është e papranueshme është i pabazuar në dispozita të LPP-së, përderisa katalogu i ofruar është për të njëjtat produkte që janë ofruar në ofertën/katalogun fillestar, konsiderojmë se i njëjti duhet të pranohet si i mirëqene. E vetmja përgjegjësi e AK-së në rast të rivlerësimit eventual është të sigurohet se në katalogun i ri kemi të bëjmë me njëjtat produkte si në katalogun e parë.

Bazuar në këto që u cekën më lart vlerësojmë se pretendimet ankimore janë pjesërisht të bazuara dhe

Raporti i ekspertit shqyrtues, lidhur me ankesën e parashtruar nga OE **"FutureBITS " SH.P.K.**," lidhur me aktivitetin e prokurimit **"Furnizim me pajisje për IT"** me numër të prokurimit: **"IL-25-5671-1-2-1**, të iniciuar nga Autoriteti Kontraktues (AK) – **Ndërmarrja Hidroekonomike Ibër Lepenc SH.A.**

rekomandojmë që lënda të kthehet në rivlerësim.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si e bazuar, të anulohet njoftimi për anulim të aktivitetit të prokurimit dhe rekomandon që lënda të kthehet në rivlerësim.

Raporti i ekspertit shqyrtues, lidhur me ankesën e parashtruar nga OE **"FutureBITS " SH.P.K.**, lidhur me aktivitetin e prokurimit **"Furnizim me pajisje për IT"** me numër të prokurimit: **"IL-25-5671-1-2-1**, të iniciuar nga Autoriteti Kontraktues (AK) – **Ndërmarrja Hidroekonomike Ibër Lepenc SH.A.**

Raporti i ekspertizës ti dorëzohet:

- Autoritetit Kontraktues – **Ndërmarrja Hidroekonomike Ibër Lepenc SH.A.**
- Panelit Shqyrtues – **OSHP**
- OE ankues – **" FutureBITS " SH.P.K.**

Ilir Halili

